

KŪRIJM ŌJ ILO MALI

Judith ear jab maroñ kōttar ñan kamñōñōik ļōtak eo an Jisōs ippān branch eo an.

Jān Jessica Larsen

(Pedped ion juon bwebwenato emool)

“Enjeļ ro rekar roñ al ko remñan jān ijo ilañ Angels ion melaaj ko” (Hymns, no. 203).

Ekar juon raan in Kūrijmōj. Judit ekar al kin ainikien al edik eo ilo an kar etal ñan mōn jar eo. E im ro jein im jatin rekar etal ñan Kūrijmōj parde eo an branch eo aer.

Sister eo an, Ester, ekar ettōñ dikdik. “Is that ‘Angels We Have Heard on High?’”

“Aaet! Emñan tata iba! Ij tōmak jej al kake rainin! Judith ekar lukkuun ettōñ dikdik.

“Elukkuun emñan ippa al ne!” Désiré, bratōr eo an, ekar kakobaba. Ekar buul lamōj im al, “Gl-o-o-ria!”

Rekar aolep ettōñ. Judith ear jab maroñ kōttar ñan kalimo raan eo ippān branch eo aer. Ejjab aolep armej ilo Mali rej kakeememej Kūrijmōj. Ilo mōttan eo ilo Africa, elōñ armej rekar jab jeļā kōn Jisōs. Ñan er, Kūrijmōj ekar juon raan einwōt raan ko jet.

Kepoon in iaļ ko robrak kōn armej. Vendor ko rar wia kake tōmja melon ko re maroro. Armej ro redik im rūtto rej ebbōk pija in aibōj ko ion bōraer. Juon ļaddik jidikdik ear tōl donkey eo kañōk juon diaka. Judith ekar kalimjōk lōñļōk tawōr aitoktok eo, tawōr aidik an ri muslim (mosque). Ekar juon em aibojoj ijo elōñ iaan armej ro rej jokwe turūier me rimuslim rej kabuñ jar.

Judith, Esther, im Désiré kar kijoñ etal ñan imōn jar eo an Papa. Bōtaab jamñar eo ļōk, rekar oktakļōk ñan Kabuñ eo an Jisōs Kraist im Armej ro Rekwojarjar ilo Raan Ko Āliktata.



Kiiō jilu iaer rekar etetal laļļok ñan mōn jar eo ippān doon aolep wiik. Judith ekar emñan ippān ekkatak kōn Jisōs ilo Būraimere.

Āliktata raar pād ilo bade eo. Elōñ iaan baamļe ko ilo branch eo rekar ped ijeñ kadede. Juon projector ekar kwaļōk pijaan Kūrijmōj eo ilo dipin wall eo an chapel eo. Judith ekar alooje an Josep tōl Meri ñan Bethlehem ion juon kidu donkey. Boub, iaļ būñāļñāļ ekar kakeememej e kōn Mali!

Ālkin kar bitio eo jemļōk, juon taxi ej bōjrak tok. Sister Valerie, būreejtōn eo an doulul eo an kōrā, ekar diwōj.

“Ikar ebōktok mōñā!” kōrā eo ekar ikkūr.

Aolep rekar jipañ bōktok mōñā ñan balcony eo. Ekar juon kōjota kilelep! Piteto salad, carrot ko, green bean ko, iaļo rice, bao bōrae . . . rekar aolep lukkuun enno!

“Komñol tata, Sister Valerie!” Judith ekar ba.

Innem ajri ro diktata ro rekar kajjojo wōr nejier bool, tole, ak wa kein ikkure. Rekar jabwe menin leļōk ko ñan Judith ñan bōk juon, ak ekar jab inepata. Ekar emñan ippān loe an ajri jiddik ro ettōñ dikdik.

Bade eo ekar kōjjemļōk kōn al. Judith ekar ettōñ dikdik ke rekar al “Angels We Have Heard on High.”

Aolepen branch eo rekar al ippān doon. Ear lukkun aibojoj. Jisōs mōoļ ekar ļōtak aolep iio ko remootļōk! Judith ekar lukkun kamñolool bwe e, Désiré, im Esther rekar jeļā kōn E. Im ekar lukkun mōñōñō ñan kakememej ļōtak eo An.

Rijeje eo ej jokwe ilo Texas, USA.

KOMELELE JĀN STEPH MARSHALL



“Allōñ in Kūrijmōj in jej kakeememej menin letok eo eļaptata . . . ļōtak eo an niñniñ eo ilo Bethlehem.”

Elder Dieter F. Uchtdorf jān Doulul eo an Joñoulruo Rijilōk ro, “The Generous One” (First Presidency Christmas devotional, Dec. 6, 2015), broadcasts.ChurchofJesusChrist.org.



Esther, Judith, im Désiré itumaan in mōn jar eo aer.